



L Ampertus Schaffnaburgensis egregia indole præditus, ut commodius studijs inuigilare & pietati operam dare posset, Hirsfeldense monasterium ingressus est: Ibi diligenter libris incubuit, & sui temporis Historiam eruditè conscripsit, quæ etiamnum extat. Is etiam religionis causa Hierosolymam profectus est, idèq; magno zelo, uerùm (ut ipse inquit) sine scientia. Cum autem in itinere, & domi uideret multos errores in Ecclesiã penetrasse, atq; etiam ecclesiarum proceres ad uitia declinasse, multis in locis mores eius seculi deplorauit, atq; omnes ad uirtutes excitauit. Itaq; cum Pontifex Romanus sacerdotum coniugium abolere conaretur,

quod hæctenus non tantum in Germania & Gallia, sed etiam in quibusdam locis Italiae in usu fuisset, cum quibusdam alijs doctis & pijs uir it ei fortiter resistit. Narrat etiam cruentum certamen bis accidisse Goslarie in templo de superiori loco sessionis, inter Hezelonem Hildesheimensem præfulem, & Vuederadam Fuldensem abbatè, idèq; Cesare inspectante, qui eos cohibere haudquaquam potuit, ita ut multi in templo atq; ad altaria foede trucidati fuerint, inquit: Sic deprauata ecclesiastici rigoris censura, homines non ut quondã, ut præessent Ecclesiae Dei, iniecta manu preliabantur, fundebantq; sanguinè, non pro ouibus Christi, sed ut dominarentur ouibus Christi.